

《陳慧琳 Season 2 萬人結界演唱會》前晚舉行第9場，邀得電影拍檔鄭伊健擔任嘉賓。伊健笑言昔日拍落海戲時凍到震，陳慧琳(Kelly)專誠出來拉他上船，雖然未能成功，但這份恩情一直銘記於心。Kelly則爆伊健改機票擔任嘉賓，令她非常感動。



■陳慧琳與伊健合唱《甘心替代你》。

銘記伸出「神聖之手」恩情

鄭伊健改機票 撐Kelly演唱會



■陳慧琳不停向觀眾派心。



■雷頌德（中）與陳慧琳並肩作戰多年。

陳慧琳介紹伊健出場時透露，對方原定7月20日擔任嘉賓後離港，卻因颱風延期，成功改機票留低。兩人合唱《甘心替代你》後，伊健分享一段鮮為人知的拍戲往事：「拍《東京攻略》（2000年上映）Ending時，我要零度跳海拍爆炸戲，凍到郁唔到，要等船接，點知突然見到Kelly伸出『神聖之手』！雖然拉唔到我上船，但佢特登走出嚟，呢份心意我一直記得。」Kelly聽畢大笑說：「真係全靠隻手！」

伊健繼續爆料：「當時拍動作戲搞到肌肉撕裂，Kelly竟然送盒粉紅色平安膏畀我，好感動！但真係唔多襯佢形象。」Kelly反擊說：「以前出埠最鍾意帶嘛！我同你合作多數喺海外。《東京攻略》喺東京、《幻影特工》喺馬來西亞、《盜馬記》喺布拉格，仲有30年前澳洲演唱會，所以今日專登着西芹裙歡迎你！」伊健卻笑她似「Big Bird」，又爆自己首次與人合唱《甘心替代你》，嚇到Kelly瞪大眼說：「真㗎？」

雷頌德：冇陳慧琳一定冇我

此外，音樂總監雷頌德特別從英國返港助陣，他感謝Kelly與她的經理人鍾珍：「你成日多謝我，搞到好似有雷頌德就有陳慧琳，其實冇陳慧琳就一定冇我，真係㗎！大家話，唔係陳慧琳邊有人有氣質唱《風花雪》？唔係陳慧琳邊有人夠清純唱《誰願放手》？唔係陳慧琳邊有人咁型唱《花花宇宙》？所以好多謝你請我嚟享受我哋呢30年嘅成果。」之後雷頌德與單立文、Joey Tang送上《一切很美只因有你》，令眼淺的Kelly眼濕濕，場面感人。



■伊健非常重視友情。

龍婷聽陳慧嫻金曲決心做歌手

《中年好聲音》歌手龍婷與陳俞霏於無線音樂節目《今晚有歌廳》，輪流獻唱陳慧嫻的經典金曲，包括《逝去的諾言》、《飄雪》及《紅茶館》等。龍婷透露16歲時，因一次實習機會前往廣東，在公園偶然聽到陳慧嫻的《飄雪》，令她燃起唱歌的心：「當時我心諗邊個唱㗎？咩歌㗎？點解咁好聽嘅？」她表示後來得知是陳慧嫻的歌曲，便開始學習對方的歌：「佢令我本來明明係跳舞嘅，但後尾點都想要去唱歌。」

至於陳俞霏自爆「逃婚男友」的故事，她透露結婚前幾天，男友突然消失，令她極度傷心，陳俞霏無奈說：「求婚係佢求，我唔係好明，隔咗兩個禮拜佢自己去咗我做嘢



■陳俞霏（左）與龍婷於節目分享內心世界。

嘅城市同我道歉，佢話去算咗塔羅牌，算到唔好嘅嘢，咁所以佢就要走。」

■阿余於大馬擁有極高人氣。



網上圖片

阿余赴大馬 似女王出巡

視后余詩曼近日到馬來西亞出席活動，吸引當地大批粉絲追星，事後於社交平台分享活動片段。當日她穿上鮮紅色斜膊貼身短裙，大晒香肩及長腿，身形弗到漏。由於現場粉絲人數極多，當阿余由露天位置步入會場時，需要最少7名保安撐傘護送，入到會場時，保安更築成人鍊護駕，猶如女王出巡，場面墟口。雖然當時場面有少許混亂，但阿余全程笑臉迎人，不少網民讚她見慣大場面兼零架子：「阿余很親民」、「真人好瘦」、「點睇都唔似50歲！」